


Protocolo de colaboración entre o Parlamento de Galicia e a Confederación Galega de Persoas con Discapacidade (COGAMI) para a realización de actividades de asesoramento e apoio na inserción laboral de persoas con discapacidade na Administración do Parlamento de Galicia

REUNIDOS

 PARLAMENTO
DE GALICIA
PRESIDENCIA

O Excmo. Sr. D. Miguel Ángel Santalices Vieira, na súa condición de presidente do Parlamento de Galicia, actuando ao abeiro das facultades que lle confire o artigo 31.1 do Regulamento da Cámara do Parlamento de Galicia.

Doutra, D. Anxo Antón Queiruga Vila (DNI nº 76778938Q), presidente da Confederación Galega de Persoas con Discapacidade (CIF nº G32115941), que actúa ao abeiro das facultades outorgadas polo artigo 36 dos Estatutos da entidade.

Ambas partes recoñecen a súa competencia e capacidade para formalizar o presente PROTOCOLO DE COLABORACIÓN, e para tales efectos,

EXPOÑEN

Primeiro. O Parlamento de Galicia está comprometido coa integración das persoas con discapacidade ou do desenvolvemento no eido social galego, en todos os planos da vida pública e cultural, coma no acceso ao ámbito laboral; para dar cumprimento a este compromiso quere seguir contribuindo a facilitar, na medida das súas posibilidades, a promoción e consolidación de todas as medidas posibles e dos medios que sexan necesarios e eficaces para conseguilo.



Segundo. Confederación Galega de Persoas con Discapacidade (COGAMI) ten por obxecto a promoción das persoas con discapacidade ou do desenvolvemento, carecendo de ánimo de lucro.

De acordo co recollido nos seus estatutos, COGAMI dirixirase á consecución, entre outros, dos seguintes fins:

- Acadar unha sociedade onde o grupo social das persoas con discapacidade poidan gozar dos seus dereitos en condicións de igualdade real, co máis absoluto respecto a súa dignidade e diversidade.

- A defensa do dereito a un xeito de vida e a un entorno social que garanta a vida independente e o desenvolvemento autónomo de toda persoa con discapacidade.

- A defensa dos dereitos e liberdades das persoas con discapacidade severa ou de gran dependencia, así como a promoción da súa integración e participación activa na sociedade.

- Promover a plena integración escolar, laboral e social das persoas con discapacidade.

- Promover actitudes sociais positivas cara a persoa con discapacidade.

- Reunir e difundir información xeral e especializada sobre as dificultades das persoas con discapacidade.

- Levar a cabo programas de promoción e desenvolvemento persoal e social da muller con discapacidade, loitando pola súa igualdade de oportunidades.

- Desenvolver programas e actividades, dentro da propia discapacidade, dirixidos especificamente á atención da infancia e xuventude.

- Desenvolver programas e actividades, dentro da propia discapacidade, dirixidos especificamente á atención das persoas maiores.

- Desenvolver programas e actividades, dentro da propia discapacidade, dirixidos especificamente a calquera outro grupo en risco de exclusión social.



Terceiro. É vontade de ambas Institucións colaborar no desenvolvemento de iniciativas conxuntas que favorezan a integración das persoas con discapacidade ou do desenvolvemento, no eido social galego, en todos os planos da vida pública e cultural, coma no acceso ao ámbito laboral;

Para estes fins, no exercicio das competencias que lles son propias, as partes recoñécense mutuamente plena lexitimación, capacidade e representación para a sinatura do presente PROTOCOLO DE COLABORACIÓN, que se rexerá polas seguintes



PARLAMENTO
DE GALICIA
PRESIDENCIA

CLÁUSULAS


Primeira.- Obxecto e fins do Protocolo

O presente Protocolo ten por obxecto establecer os mecanismos de colaboración entre o Parlamento de Galicia e COGAMI, para fixar o marco xeral de actuación para o deseño e realización de actividades que teñan por finalidade facilitar a adaptación e o desenvolvemento das funcións nos postos de traballo das persoas traballadoras con discapacidade, que puideran prestar servizos na Administración do Parlamento de Galicia, ben como persoal funcionario de carreira ou laboral fixo e interino ou laboral de carácter temporal, ben como persoal en prácticas e/ou formación.

Segunda.- Compromisos das partes

O Parlamento de Galicia e COGAMI, en coherencia coas súas respectivas funcións e no marco deste Protocolo, comprométense a colaborar na consecución dos seus fins, a través de accións que se plasmarán a través dos correspondentes convenios de colaboración.

Para tal fin ambas as partes se comprometen a desenvolver no futuro actividades no eido da formación, tales como as relativas á preparación e desenvolvemento de:



- Cursos de formación específicos previos ao ingreso ou ao inicio da prestación de servizos no Parlamento de Galicia, que serán impartidos por persoal do Parlamento de Galicia co apoio de persoal de COGAMI.
- Apoio no proceso de inserción e adaptación efectiva ao posto de traballo das persoas traballadoras con discapacidade ou do desenvolvemento, así como do seu entorno laboral.



Seguimento do desempeño da actividade laboral, incluíndo formación continua en competencias instrumentais, transversais e laborais para este colectivo, de acordo cos resultados da detección de necesidades formativas.

- Realización de talleres prácticos de intercambios de experiencias dirixidos ao persoal que realiza funcións de referencia no entorno de traballo deste colectivo.

Terceira .- Financiamento

A sinatura deste protocolo non conleva ningunha obriga económica, se fora o caso, determinarase, nos correspondentes Convenios de colaboración que se deriven deste protocolo.


Cuarta .- Difusión da colaboración das partes

A sinatura deste protocolo supón o consentimento expreso de ambas as partes para facer públicos a través dos diarios oficiais que procedan e das respectivas páxinas web, os datos referidos ao seu contido de conformidade coa normativa sobre transparencia e boas prácticas que sexa de aplicación a cada unha delas.

Quinta. Comisión de seguimento.

Establécese unha comisión de coordinación e seguimento do presente protocolo que estará integrada por dous representantes do Parlamento de Galicia, un dos cales a presidirá, e por dous representantes de COGAMI, un dos cales será o presidente ou persoa na que delegue.

Dita comisión coordinará o seu desenvolvemento e estará facultada para resolver cantas dúbidas puidesen xurdir na súa execución; poderá estar asistida polos técnicos que xulguen necesarios.



Os acordos adoptados pola Comisión serán inmediatamente executivos.

Terá, ademais, as seguintes funcións:

- A interpretación do protocolo.
- A proposta de addendas ou modificacións.
- A elaboración do informe previo á resolución por incumprimento.
- A facultade de supervisión da execución e adopción das decisións e ditado das instrucións necesarias co fin de salvagardar a correcta realización das accións acordadas.
- Calquera outra relacionada co bo funcionamento deste protocolo.

Sexta.- Prazo de vixencia, modificacións e causas de resolución.


O presente Protocolo producirá efectos a partir da data da súa sinatura e terá unha vixencia dun ano, prorrogable por períodos sucesivos anuais ata un máximo de catro anos, mediante acordo expreso das partes ao remate de cada período, agás que se resolva por algunha das causas seguintes:

- a) Mutuo acordo das partes manifestado por escrito.
- b) Denuncia feita por calquera das partes, con tres meses de antelación.
- e) Incumprimento grave de calquera das partes dos acordos do Protocolo.

Así mesmo, as partes poderán modificar os termos deste Protocolo de acordo mutuo.

Sétima.- Natureza xurídica

Este Protocolo de colaboración ten natureza administrativa, e está excluído do ámbito de aplicación do Real decreto legislativo 3/2011, do 14 de novembro, polo que se aproba o texto refundido da Lei de contratos do Sector Público, e rexerese polas súas propias cláusulas e supletoriamente, polas normas xerais do dereito administrativo.




Oitava.- Protección de datos de carácter persoal

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase que de existir no eido deste protocolo datos de carácter persoal se incorporarán a un ficheiro para o seu tratamento, coa finalidade da xestión deste procedemento. COGAMI poderá exercer os dereitos de acceso, rectificación, cancelación e oposición previstos na lei mediante un escrito dirixido á Oficialía Maior.



Novena- Transparencia e bo goberno

A sinatura deste protocolo de colaboración leva implícito o consentimento expreso das persoas intervenientes para que o Parlamento de Galicia poida facer públicos os datos de carácter persoal que figuren nel, de acordo co disposto na Lei 19/2013, de 9 de decembro, de transparencia, acceso á información pública e bo goberno, e a Lei galega 1/2016, do 18 de xaneiro, de transparencia e bo goberno.

En proba de conformidade asínase este protocolo de colaboración por triplicado en Santiago de Compostela o 12 de marzo de 2018.



Miguel Ángel Santalices Vieira,
presidente do Parlamento de
Galicia.



Anxo Antón Queiruga Vila,
presidente da Confederación Galega
de Persoas con Discapacidade